

百衲本

魏書

2

國家圖書館出版社

北齊·魏收撰



百衲本

魏書

北齊·魏收撰

2

國家圖書館出版社



列傳第三十一

魏書四十三

嚴稜

毛脩之

唐和

劉休賓

房法壽

嚴稜馮翊臨晉人遇亂避地河南劉裕以為廣威將軍陳留太守戍倉垣泰常中山陽公奚斤南討軍至潁川稜率文武五百人詣斤降驛送稜朝太宗於冀州嘉其誠款拜平遠將軍賜爵邵陽侯假荊州刺史隨駕南討還為上客及世

大甲子二

何通

稱年九十卒於家

子雅王襲爵真君中詔雅王副長安鎮將元蘭率眾一万迎漢川附化之民入自斜谷至甘亭劉義隆梁州刺史王玄載遣將拒嶮路不得通班師太和二年太倉令五年出為平南將軍東兗州刺史假馮翊公卒子曇襲爵

毛脩之字敬文滎陽陽武人也父瑾司馬德宗

梁秦二州刺史劉裕之擒姚泓留子義真鎮長安以脩之為司馬及赫連屈丐破義真於青泥脩之被俘遂沒統萬世祖平赫連昌獲脩之神

麈中以脩之領兵討蠕蠕大檀以功拜吳兵將軍領步兵校尉後從世祖征平涼有功遷散騎常侍前將軍光祿大夫脩之能為南人飲食手自煎調多所適意世祖親待之進太官尚書賜爵南郡公加冠軍將軍常在太官主進御膳從討和龍別破三堡賜奴婢牛羊是時諸軍攻城宿衛之士多在戰陳行宮人少雲中鎮將朱脩之劉義隆故將也時從在軍欲率吳兵謀為大逆因入和龍冥浮海南歸以告脩之脩之不聽乃止是日無脩之大變幾作朱脩之遂亡奔馮文通又以脩之收三堡功多遷特進撫軍大將軍金紫光祿大夫位次崔浩之下浩以其中國舊門雖學不博洽而猶涉獵書傳每推重之與共論說言次遂及陳壽三國志有古良史之風其所著述文義典正皆揚于王廷之言微而

大甲子二

何通

顯婉而成章班史以來無及蓋可者脩之曰昔在蜀中聞長老言壽曾為諸葛亮門下書佐被捷百下故其論武侯去應變將略非其所長浩乃與論曰承祚之評亮乃有故義過美之譽案其迹也不為負之非挾恨之矣何以云然夫亮之相劉備當九州鼎沸之會英雄奮發之時君臣相得魚水為喻而不能與曹氏爭天下委棄荆州退入巴蜀誘奪劉璋偽連孫氏守窮蹊距之地僭號邊夷之間此策之下者可與趙他為偶

魏傳三十一

三

主

而以為管蕭之亞匹亦過乎謂壽貶亮非為失實且亮既據蜀恃山嶮之固不達時宜弗量勢力嚴威切法控勒蜀人矜才有能高自矜舉欲以邊夷之眾抗衡上國出兵隴右再攻祁山一攻陳倉踈遲失會摧衄而反後入秦川不復攻城更求野戰魏人知其意閉壘堅守以不戰屈之知窮勢盡憤結攻中發病而死由是言之豈合古之善將見可而進知難而退者乎脩之謂浩言為然大延二年為外都大官卒諡曰恭

公脩之在南有四子唯子法仁入國高宗初為金部尚書襲爵後轉殿中尚書加散騎常侍法仁言聲壯大至於軍旅田狩唱呼處分振於山谷和平六年卒贈征東大將軍南郡王諡曰威

長子猛虎太安中為東宮主書轉中舍人又遷中散大夫初襲爵為散騎常侍皇興中蠕蠕犯塞從顯祖討之有勇決之稱太和初卒贈豫州刺史諡曰康公

魏傳三十一

四

子泰寶襲爵征虜長史例降為侯卒

子乾祐襲

朱脩之者劉義隆司徒從事中郎守滑臺安頡圍之其母在家乳汁忽出母號慟告家人曰我年老非復有乳汁之時今忽如此兒必歿矣果以其日為頡所擒母祖善其固守授以內職以宗室女妻之而佞巧輕薄為人士所賤為雲中鎮將及入馮文通文通送之江南

唐和字稚起晉昌且安人也父繇以涼土喪亂

民無所歸推隴西李嵩於敦煌以寧一州李氏  
為沮渠蒙遜所滅和與兄契攜外甥李寶避難  
伊吾招集民衆二千餘家臣於蠕蠕蠕蠕以契  
為伊吾王經二十年和與契遣使來降為蠕蠕  
所逼遂擁部落至于高昌蠕蠕遣部帥阿若率  
騎討和至白力城和率騎五百先攻高昌契與  
阿若戰歿和收餘衆奔前部王國時沮渠安周  
屯橫截城和攻拔之斬安周兄子樹又剋高寧  
白力二城斬其戍主遣使表狀世祖嘉其誠款  
屢賜和和後與前部王車伊洛擊破安周斬首  
三百世祖遣成周公萬度歸討焉耆詔和與伊  
洛率所領赴度歸和奉詔會度歸喻下柳驢以  
東六城因共擊波居羅城拔之後同征龜茲度  
歸今和鎮焉耆時柳驢戍主乙真伽率諸胡將  
據城而叛和領輕騎二百匹入其城擒乙真伽  
斬之由是諸胡款附西域剋平和有力也正平  
元年和詣闕世祖優寵之待以上客高宗以和  
歸誠先朝拜鎮南將軍酒泉公太安中出為濟

魏傳三十一

五

何進

州刺史甚有稱績徵為內都大官評決獄訟不  
加捶楚察疑獲實者甚多世以是稱之皇興中  
卒年六十七贈征西大將軍太常卿酒泉王謚  
曰宣

子欽字孟直中書學生襲爵太和中拜鎮南將  
軍長安鎮副將轉陝州刺史將軍如故後降爵  
為侯二十年卒

子景宣襲爵歷并州城陽王徽後軍府長史加  
中堅將軍遷東郡太守普泰中卒贈撫軍將軍

秦州刺史

魏傳三十一

六

邵亨

景宣弟季弼武定中滄州別駕

契子女達性果毅有父風與叔父和歸闕俱為  
上客拜安西將軍至昌公顯祖時出為華州刺  
史將軍如故杏城民蓋平定聚眾為逆顯祖遣  
給事楊鍾葵擊平定不剋而還詔女達討平之  
杏城民成赤李又聚黨自號為主逼掠郡縣殘  
害百姓女達率騎二百邀其狹路擊破之叛民  
曹平原復聚為亂女達追擊悉平之延興三年



有罪免官太和十六年降爵爲侯卒

子崇字繼祖襲爵盛樂太守

崇弟興業定陽闡熙二郡太守

劉休賓字趣幹本平原人祖祖從慕容德度河  
家于北海之都昌縣父奉伯劉裕時北海太守  
休賓少好學有文才兄弟六人乘民延和等皆  
有時譽休賓爲劉或虎賁中郎將稍遷幽州刺  
史鎮梁鄒及莫谷白曜軍至升城遣人說之令  
降休賓不從劉或龍驤將軍崔靈延行勃海郡

魏書傳三卷

七

魏書傳

考靈建等數十家皆入梁鄒同舉休賓爲征虜  
兖州會劉或遣使授休賓輔國將軍兖州刺史  
休賓妻崔邪利女也生一男字文曄崔氏先歸  
寧在魯郡邪利之降也文曄母子遂與俱入國  
至是白曜表請崔與文曄既至白曜以報休賓又  
於北海執延和妻子送至梁鄒巡視城下休賓  
答白曜許歷城降當即歸順密遣兼主簿尹文  
達向歷城觀國軍形勢文達詣白曜詐言聞王  
臨境故來祇候私謂白曜曰劉休賓父子兄弟

累郡連州今若識運知機束手歸化不審明王  
加何賞叙白曜曰休賓仕南爵寵如此今若不

勞兵甲望風自降者非直處卿富貴兼還其  
婦兒休賓縱令不畏攻圍豈不憐其妻子也今

升城卿自往見文達乃至升城見休賓妻子文  
曄攀援文達哭泣號咷以爪髮爲信文達回還

復經白曜誓約而去白曜曰卿是休賓耳目腹  
心親見其妻子又知我衆旅少多善共且里議自

求多福文達還見休賓出其妻兒爪髮兼宣白  
曜所言及國軍形勢謂休賓曰升城已敗歷城

非朝則夕公可早圖之休賓撫爪髮泣涕曰妻  
子幽隔誰不愍乎吾荷南朝厚恩受寄邊任今

顧妻子而降於臣節足乎然而密與其兄子聞  
慰議爲降計聞慰曰此故當文達詐耳年常

抄掠豈有多軍也但可撫彊兵勤肅衛方城狹  
嶮何爲便生憂怯示人以弱也休賓又謂文達

曰卿勿憚危苦更爲吾作一返善觀形勢於是  
遣文達偷道而出令與白曜爲期剋日許送降

魏列傳三十一

八

陳

欵文達既至白曜喜曰非直休賓父子荷榮城內賢豪亦隨人補授御便即為梁鄒城主以酒灌地啓告山河曰若負休賓使我三軍覆沒初白曜之表取休賓妻子也顯祖以道固既叛詔授休賓持節平南將軍冀州刺史平原公至是付文達詔策文達還謂休賓曰白曜信誓言如此公可早為決計恐攻逼之後降悔無由休賓於是告兄子聞慰曰事勢可知汝早作降書聞慰沈疑因執不作遂差本契白曜尋遣著作佐郎許赤虎夜至梁鄒南門下告城上人曰汝語劉休賓何由遣文達頻造僕射許送降文歸誠大化何得無信違期不來於是門人唱告城內悉知遂相維持欲降不得皆云劉休賓父子欲以我城內人易榮位也尋被攻逼經冬至春歷城降白曜道固子景業與文曄至城下休賓知道固降乃出請命白曜送休賓及宿有名望者十餘人俱入代都為客及立平齊郡乃以梁鄒民為懷寧縣休賓為縣令延興二年卒

魏列傳三十一

九

陳

文曄有志尚綜覽群書輕財重義太和中坐從兄聞慰南叛與二弟文顥季友被徙北邊高祖特聽遠代高祖曾幸方山文曄大言於路側曰求見聖明申宣父屈高祖遣尚書李冲宣詔問曰卿欲何言聽卿面自申盡於是引見文曄對曰臣之陋族出自平原往因燕亂流離河表居齊以來八九十載具君十一年世祖太武皇帝巡江之日時年二歲隨外祖魯郡太守崔邪利於鄒山歸國邪利蒙賜四品除廣寧太守以臣年小不及齒錄至天安之初皇威遠被臣亡父休賓劉氏持節兗州刺史戍梁鄒時慕容白曜以臣父居全齊之要水陸道衝青冀二城往來要路三城岳峙並拒王師白曜知臣母子先在代京表請臣母子慰勞臣即被先帝詔遣乘傳詣軍又賜云父官爵白曜遣右司馬盧河內等送臣母子至鄒臣既見亡父備申皇澤云吾蒙本朝寵遇捍禦藩屏尊卑百口並在二城吾若先降百口必被誅滅既不固誠於本朝又令尊

魏傳三十一

十

陳

卑塗炭豈堪為人臣以奉大魏乎文三三吾意  
白僕射降意已判平歷城即率士眾送款軍前  
既剋歷城白曜遣赤虎送臣并崔道固子景業  
等向梁鄒亡父既見赤虎之信仰感聖朝遠遣  
妻子又知天命有歸擁衆一萬以城降款乘驛  
赴臺蒙為客例臣私譽深重亡父以延興二年  
孤背明世血誠微心未獲申展如臣等比並蒙  
榮爵為在事孤抑以人廢勲高祖曰卿訴父賞  
而卿父無勲歷城齊之西關歸命請順梁鄒小

魏列傳三十一

十一

高祖

豈能獲全何足以為功也文暉對曰誠如聖旨  
愚臣所見猶有未申何者昔樂毅破齊七十餘  
城唯有即墨獨在此豈非根亡而條立且夫降  
順之人驗之古今未有不由危逼者故黃權無  
路歸款列地封侯且薛安都畢眾敬危急投命  
並受茅土之爵論古則如彼語今則如此明明  
之世不及比流竊惟梁鄒嚴固地據中齊粟支  
十載控弦數千万方之升城不可同日而語升  
城猶能抗兵累旬傷殺甚眾若臣亡父固守孤

城則非一朝可剋高祖曰歷城既陷梁鄒便是  
掌中何煩兵力對曰若如聖旨白曜便應窮兵  
極意取勝俯仰何為上假赤虎之信下銜知變  
之民高祖曰卿父此勲本自至少以卿才地豈  
假殷勤對曰臣庭愚六蔽文武無施響絕九臯  
聞天無日遭逢聖運万死猶生但臣竊見徐充  
是賊藩要徐充既降諸戍皆應國有而東徐州  
刺史張讜所戍圍城領二郡而已徐充降後猶  
閉門拒命授以方嶽始乃歸降父子二人並蒙  
侯爵論功比勲不先臣父高祖曰卿引張讜讜  
事小異對曰臣未識異狀高祖曰張讜始來送  
款終不差信卿父進非先覺退又拒守何得不  
異對曰張讜父子始有歸順之名後有閉門之  
罪以功補過免罪為幸臣父又見崔僧祐母弟隨  
其叔父道固在歷城僧祐遙聞王威遠及恐母  
弟淪亡督率鄉閭來欲救援既至郁洲歷城已  
沒束手歸誠救母弟之命聖朝嘉其附化賞以  
三品亡父之誠豈後僧祐高祖曰僧祐身居東

晉書四

魏書傳三十一

十一

張讜



海去留任意來則有位去則他人是故賞之卿父被圍孤城已是已物所以不賞對曰亡父據城歸國至公也僧祐意計而來為私也為私蒙賞至公不酬臣未見其可高祖笑而不言比部尚書陸叡叱文暉曰假令先朝謬賞僧祐豈可謬相賞也文暉曰先帝中代聖主與日月等曜比隆堯舜宰相則十亂五臣今言謬賞豈不仰誣先朝乎尚書高閭曰卿謂母弟與妻子何者為重文暉曰母弟為重閭曰卿知母弟為重朝廷賞僧祐是也卿父為妻子而來事何相反對曰僧祐若無母弟來歸以不閭曰不來文暉曰若僧祐赴母弟之難此是其私而亡父本為大丈夫立身處世豈可顧妻子而虧高節也昔樂羊食子有顧以不亡父本心實不垂顧所以歸化者自知商周不敵天命有所歸高祖謂文暉曰卿之所許頗亦有途賞從重罰從輕尋勅酬叙文暉泣曰臣愚頓理極再見無期陛下既垂慈澤願勅有司特賜矜理高祖曰王者無戲何

魏傳三十一

十三

待勤懃既而賜文暉爵都昌子深見待遇拜協律郎中改授羽林監世宗世除高陽太守延昌中卒贈平遠將軍光州刺史謚曰貞子元襲拜負外郎襄威將軍青州別駕卒文顥性仁孝篤厚徐州安豐王府騎兵參軍季友南青州左軍府錄事參軍聞慰傳識有才思至延興中南叛休賓叔父族之其妻許氏二子法風法武而族之早亡東陽平許氏攜二子入國孤貧不自立並疎薄不倫為時人所棄母子皆出家為尼既而反俗太和中高祖選盡物望河南人士才學之徒咸見申擢法風兄弟無可收用不蒙選授後俱奔南法武後改名孝標云房法壽小名烏頭清河繹幕人也幼孤少好射獵輕率勇果結群小而為劫盜從叔元慶範鎮等坐法壽被州郡切責時月相繼宗族甚患之弱冠州迎主簿後以母老不復應州郡之命常盜殺牯牛以共其母招集壯士常有百數母亡

魏傳三十一

十四

歲餘遇沈文秀崔道固起兵應劉子勛明僧暲  
劉乘民起兵應劉或攻討文秀法壽亦與清河  
太守王玄邈起兵西屯合討道固玄邈以法壽  
為司馬累破道固軍甚為歷城所憚加法壽綏  
邊將軍魏郡太守子勛死道固文秀悉復歸或  
乃罷兵道固慮其扇亂百姓遂切遣之而法壽  
外託裝辦而內不欲行會從弟崇吉在升城為  
慕容白曜所破母妻沒於白曜軍崇吉奔還舊  
宅法壽與崇吉年志粗相諧協而親則從祖兄

魏傳三十一卷

十五

弟也崇吉以母妻見獲託法壽為計法壽既不  
欲南行恨道固逼切又矜崇吉情理時道固以  
兼治中房靈賓督清河廣川郡事成盤陽法壽  
遂與崇吉潛謀襲靈賓克之仍歸款於白曜以  
贖母妻白曜遣將軍長孫觀等自大山西入馬  
耳關以赴盤陽還崇吉母妻初道固遣軍圍盤  
陽法壽等拒守二十餘日觀軍至賊乃散走觀  
軍入城詔以法壽為平遠將軍與韓麒麟對為  
冀州刺史督上租糧以法壽從父弟靈民為清

河太守思順為濟南太守靈悅為平原太守伯  
憐為廣川太守叔玉為高陽太守叔玉兄伯玉  
為河間太守伯玉從父弟思安為樂陵太守思  
安弟幼安為高密太守以安初附及歷城梁鄒  
降法壽崇吉等與崔道固劉休賓俱至京師以  
法壽為上客崇吉為次客崔劉為下客法壽供  
給亞於安都等以功賜爵壯武侯加平遠將軍  
給以田宅奴婢性好酒愛施親舊賓客率同飢  
飽坎壈常不豐足畢眾敬等皆尚其通愛太和

魏傳三十一卷

十六

中卒贈平東將軍青州刺史謚敬侯  
子伯祖襲例降為伯歷齊郡內史伯祖關弱委  
事於功曹張僧皓僧皓大有受納伯祖衣食不  
充後廣陵王羽為青州伯祖為從事中郎平原  
相轉幽州輔國長史坐公事免官卒  
子翼襲宣威將軍大城戍主末安中青州太傅  
開府從事中郎  
伯祖弟叔祖別以功賜爵魏昌子歷廣陵王國  
郎中令長廣東萊二郡太守龍驤將軍中散大

夫永安中安東將軍郢州刺史

叔祖弟幼愍安豐新蔡二郡太守坐事奪官居家忽聞有客聲出無所見還至庭中為家群犬所噬遂卒初長孫觀之將至盤陽也城中稍以震懼時劉彧給事中崔平仲欲歸江南自歷下至圍城軍中與十餘騎遙共法壽語靈賓密遣人捕執之始法壽克盤陽之後常禁靈賓於別齋既得平仲引與同室致酒食叙國軍明將入意夜中北城上縋出平仲靈賓等十餘人厥明

魏傳三十一

十七

王恭

官軍至城靈賓遂歸梁鄒

靈賓文藻不如兄靈建而辯悟過之靈建在南官至州治中教海太守以才名見稱兄弟俱入國為平齊民雖流漂屯圯操尚卓然並立於平

齊

靈建子宣明亦文學著稱雅有父風高祖擢為中書博士遷洛轉議郎試守東清河郡正始中京兆王愉出除征東冀州以宣明為記室參軍愉反逼宣明為太守

靈賓從父弟堅字千秋少有才名亦內徙為平齊民太和初高祖擢為祕書郎遷司空諮議齊州中正高祖臨朝令諸州中正各舉所知千秋與幽州中正陽尼各舉其子高祖曰昔有一祗名垂往史今有二奚當聞來牒出為濮陽太守世宗時復為司空諮議加立忠將軍卒贈南青州刺史諡曰懿

長子祖淵羽林監從章武王融討葛榮沒於陳贈安東將軍濟州刺史

魏傳三十一

十八

佑

祖淵弟祖皓長水校尉後討蕭衍將於九山戰歿贈撫軍將軍兗州刺史

崔平仲自東陽南奔妻子於歷城入國太和中高祖聽其還南

思安有勇力伯玉果敢有將略思安賜爵西安子建威將軍北平太守遷大司馬司馬齊州武昌王府司馬高祖南伐徵為步兵校尉直閭將軍中統軍善撫士眾高祖嘉之漢陽既平復為武昌王司馬帶東魏郡太守加寧朔將軍改爵

清河子卒官子敬寶襲爵

敬寶亦壯健奉朝請征北中兵參軍北征統軍  
寧遠將軍每有戰功早卒

子去病襲

伯玉坐弟叔王南奔徙於北邊後亦南叛為蕭  
鸞南陽太守高祖南伐剋宛外城命舍人公孫  
延景宜詔於伯玉曰天無二日土無兩王是以  
躬擡六師蕩四海宛城小戍豈足以禦抗王  
威深可三思封侯昨土事在俯仰伯玉對曰外

三十九

魏傳三十一

十九

王明

臣荷國厚恩奉任疆境為臣道未敢聽命伏  
惟遊鑿遠涉願不損神高祖又遣謂曰朕親率  
麾旆遠清江沔此之小戍豈足徘徊王師但戎  
輅所經纖介須珍宜量力三思自求多福且卿  
早蒙蕭贖殊常之眷曾不懷恩報以塵露蕭鸞  
妄言入繼道成贖子無才遺卿不能建忠於前  
君方立節於逆豎卿之罪一又頃年傷我偏師  
卿之罪二今鑿旆親戎清南服不先面縛待  
罪麾下卿之罪三卿之此戍多則一年中則百

日少則三旬剋殄豈遠宜善思之後悔無及伯

玉對曰昔蒙武帝愷悌之恩忝侍左右此之厚  
遇無忘夙夜但繼主失德民望有歸主上龍飛  
踐極光紹大宗非直副億兆之深望實兼武皇  
之遺勅是以勤懃懇懇不敢失墜往者北師深  
入寇擾邊民輒厲將士以救蒼生此乃邊戍常  
事陛下不得垂責及剋宛伯玉面縛而降高祖  
引見伯玉并其參佐三百人詔伯玉曰朕承天  
駟字方欲清一寰域卿輩亦小戍敢拒六師卿

三十一

魏列傳三十一

二十

子

之愆罪理在不赦伯玉對曰臣既小人備荷驅  
使綠百口在南致拒皇略罪合萬死高祖曰凡  
立忠抱節皆應有所至若奉逆君守迷節克  
所不為卿何得事逆賊蕭鸞自貽伊譴伯玉對  
曰臣愚癡晚悟罪合萬斬今遭陛下願乞生命  
高祖曰凡人惟有两途知機獲福背機受禍勞  
我王師彌歷歲月如此為降何人有罪且朕前  
遣舍人公孫延景城西共卿語云天無二日土  
無二王卿答云在此不在彼天道攸遠變化無



方鄉寧知今日在此不在彼乎伯玉乞命而已更無所言高祖以思安頻為伯玉泣請故特宥之伯玉在南之日放妾楊氏為尼入國遂令還俗復受幸焉為有司所奏高宗聽之世宗即位拜長史兼游擊將軍出為馮翊相卒官

崇吉少驍勇為沈文秀中兵參軍及太原戍守傅靈越率眾棄郡南赴子勛文秀以崇吉督郡事既而皆文秀同於劉或母叔在歷城為崔道固所拘繫又將致刑於市以恐之而崇吉卒無

三十一

魏列傳三十一

二十一

卷五

所顧會道固歸或乃出其母或以崇吉為龍驤將軍并州刺史領太原太守戍并城崇吉以其從兄靈獻為長史姨兄賈延年為司馬未幾而白曜軍至白曜遣人招之崇吉不降遂閉門固守并城至小人力不多勝仗者不過七百人而白曜侮之乃遣眾陵城崇吉設土葦方梁下相春擊不時剋殄白曜遂築長城圍三重更造攻具日夜攻擊自二月至四月糧矢俱盡崇吉突圍出走遁藏民舍母妻見獲道固遣治中房靈

賓慰引之崇吉不肯見道固遂東歸舊村陰募壯士欲以偷母還奔河南白曜慮其如此守備嚴固後與法壽取盤陽俱降及立平齊郡以歷城民為歸安縣崇吉為縣令頗懷昔憾與道固接事意甚不平後委縣出臺訟道固罪狀數條會赦不問崇吉乞解縣許之停京師半歲乃南奔崇吉夫婦異路剃髮為沙門改名僧達投其族叔法延住歲餘清河張略之亦家俠士也崇吉遺其金帛得以自遣妻從幽州南出亦得相

魏傳三十一

二十一

宋

會崇吉口至江東尋病死

崇吉從父第三益字敬安於南陽內附高祖與語善之曰三益了了殊不惡拜員外散騎侍郎尋出為太山太守轉兗州左軍府司馬所在以清和著稱還除左將軍正光中卒年六十三九子

長子士隆興和中東清河太守帶盤陽鎮將士隆第士達少有才氣其族兄景先有鑒識每曰此兒儻終當大其門戶起家濟州左將軍

府倉曹朱軍時京兆王繼為大將軍出鎮關右  
聞其名徵補騎兵參軍領帳內統軍孝昌中其  
鄉人劉蒼生劉鈞房須等作亂攻陷郡縣頻敗  
州軍時士達父憂在家刺史元欣欲逼其為將  
士達以禮固辭欣乃命其友人馮元興謂之曰  
今合境從逆賊徒轉熾若萬一陷州君家豈得  
獨全既急病如此安得顧名教也士達不得已  
而起率州郭之二千餘人東西討擊悉破平  
之武泰初就家拜平原太守抑挫豪彊境內肅  
然時邢杲寇亂憚其威名越郡城西度不敢攻  
逼永安末轉濟南太守士達不入京師而頗為  
本州郡時人榮之永安末介朱兆入洛刺史蕭  
贇為城民趙洛周所逐城內無主洛周等以士  
達鄉情所歸乃就郡請之命攝州事永熙二年  
卒年三十八時人傷惜之贈平東將軍齊州刺  
史諡曰武

士達弟士素武定末太尉諮議參軍  
士素弟士章尚書郎

魏傳三十一

二十三

吳素

法壽族子景伯字長暉高祖謀避地渡河居於  
齊州之東清河繹幕焉祖元慶任劉駸歷十郡  
太守後為沈文秀青州建威府司馬劉彧之殺  
子業自立也子業弟子勛起兵攻之文秀遣其  
將劉珍之率兵助彧後彧歸于子勛元慶不  
同為文秀所害父愛親率勒鄉部攻文秀劉彧  
嘉之起家授龍驤將軍尋會文秀降彧乃止顯  
祖時三齊平隨例內徙為平齊民以父非命疏  
服終身景伯生於梁乾少喪父以孝聞家貧傭  
書自給養母甚謹尚書盧淵稱之於季冲冲時  
典選拔為奉朝請司空祭酒給事中尚書儀曹  
郎除齊州輔國長史值刺史死勅行州事政存  
寬簡百姓安之後值清河太守杜昶外叛郡居  
山險盜賊群起除清河太守郡民劉簡虎曾失  
禮於景伯聞其臨郡闔家逃止景伯督切屬縣  
捕擒之即署其子為西曹掾命喻山賊賊以景  
伯不念舊惡一時俱下論者稱之舊守令六年  
為限限滿將代郡民韓靈和等三百餘人表訴

魏傳三十一

二十四

徐義

乞留復加二載後遷太尉中郎司徒諮議參軍  
輔國將軍司空長史以母疾去官景伯性淳和  
涉獵經史諸第宗之如事嚴親及弟歿亡蔬食  
終喪暮不內御憂毀之容有如居重其次弟景  
先亡其幼弟景遠暮年哭臨亦不內寢鄉里為  
之語曰有義有禮房家兄弟廷尉卿崔先韶好  
標榜人物無所推尚每云景伯有士大夫之行  
業及母亡景伯居喪不食鹽菜因此遂為水病  
積年不愈孝昌三年卒于家時年五十贈左將

軍齊州刺史

魏傳三十一

二十五

王恭

子文烈武定中尚書三公郎中

景先字光胃幼孤貧無資從師其母自授毛詩  
曲禮年十二請其母曰豈可使兄傭賃以供景  
先也請自求衣然後就學母哀其小不許苦請  
從之遂得一羊裘忻然自足晝則樵蘇夜誦經  
史自是精勤遂大通贍太和中例得還鄉郡辟  
功曹州舉秀才值州將卒不得對策解褐太學  
博士時太常劉芳侍中崔光當世儒宗歎其精

博光遂奏兼著作佐郎修國史尋除司徒祭酒  
負外郎侍中穆紹又啓景先撰世宗起居注累  
遷步兵校尉領尚書郎齊州中正所歷皆有當  
官之稱景先沈敏方正事兄恭謹出告反面晨  
昏參省側立移時兄亦危坐相勸如對賓客兄  
曾寢疾景先侍湯藥衣冠不解形容毀瘵親友  
見者莫不哀之神龜元年蕭衍龍驤將軍由申  
能據東義陽城內屬勅景先為行臺發二荆兵  
以援之在軍遇疾而還其年卒於家時年四十

魏傳三十一

二十六

顏延

三贈持節冠軍將軍洛州刺史諡曰文景先作  
五經疑問百餘篇其言該典合行於時文多略  
舉其切於世教者

問王者受命木火相生曰五精代感稟靈者興  
金德方隆相發華渚水運告昌瑤光啓祚人道  
承天地理應實受謝既彰玄命若契相生之義  
有允不違至如湯武革命殺伐是用水火為次  
運而不改既事垂代終而數同納釐逆順且殊  
禎運宜異而兆徵不差有疑符應

問禹以鯀配天舜不尊父曰明明上天天下土是  
冒道高者負戾四方神積者郊原斯主是以則  
天不能私其子紹堯不敢尊其父鯀既罪彰於  
山川受殛於羽裔化質與鱗甲為羣銘情不能  
上乘箕尾而厚尊配於國陽當升煙之大禮苟  
存及躬以亂祀典降上帝為罪鬼之賔素夾鍾  
為介蟲之樂奉天之道不乃有淪乎

問湯尊稷廢柱曰神積道存異世同尊列山見  
享綿紀前代成湯革命承夫當愆陽之運不思

魏傳三十一

二十七

理數之有時黜元功於百世且畢箕感應風雨  
異徵尊播殖之靈而邀滂澍之潤升廢之道無  
乃謬與若柱不合薦虞夏應失之於前如以歲  
父宜遷百神可計日而代求之二三未究往旨  
問湯剋桀欲遷夏社為不可武王滅紂以亳社  
為亡國之誡曰神無定方唯人為正道協無為  
天地是依棄德弗崇百靈更祀周武承天禮存  
威秩升后稷當四圭之尊貶土祗隔牲帑之享  
就如言之稷直示靈威誠允聿追之宜社非商祖

孝字乃考之俗躬暨致誠何獨在斯

問易著革命之爻而無損謬之象曰玄黃剖別  
人道為尊含靈行化故義始元首是以飛龍啓  
徵大人載就及理運相推帝圖異序虞實以為  
善終順守有勲未盡不顯損謬之象而著已日  
之美豈可兆巨竇為貽厥之謀訓万世而開安  
忍之關求之反妄未識理愆

問周禮秋官司烜氏邦若屋誅為明竊焉曰王  
道貴產法理尚恩舊德見食八象載其美五宥

魏傳三十一

天一

輯

三刺禮經實其仁是以祿父巨屨躬禮不輟三  
監亂德蔡胤猶存罪莫極於無上逆莫甚於違  
天行大辟禍不及族理正刑愆止於身何惡當  
來夷之禍何戾受淪殄之辜

問儀禮繼母出嫁從為之服傳云貴終其恩曰  
繼母配父本非天屬與身合德名義以興兼鞠  
育有加禮服是重既體違義盡棄節毀慈作嬪  
異門為鬼他族神道不全何終恩之有方齊服  
是追哭於野次苟存降重無乃過猶不及乎



問禮記生不及祖父母父母稅喪已則否曰服以恩制禮由義立慈母三年孫無總葛者以戚非天屬報養止身祖雖異域恩不及已但正體於下可無服乎且縞冠玄武子姓之服練練之後纓經已除猶懷慘素未忍從吉況斬焉初之創巨方始復乎之實尚改緇襲奉哀苦次而無追變孝子孝孫豈天理是與

問左氏傳齊人殺哀姜君子以為不可曰受醮從天人倫所重保育異宗承奉郊奠而乃肆極

親書列傳卷三十一

二十九

宋

昏淫禍傾合羣之尊恬亂無終殄滅誕鞠之愛齊桓匡翼四方正存刑矩割不忍之恩行至公之法方生貶違以殺為甚而神道幽默禍降未期雖窮勃履朝臣不宜糾既事反人靈咎將有所施之取衷孰為優允

問公羊傳王者之後郊天曰神不謬享帝無妄尊介丘偏祀猶不歆季氏之族昊天至重豈可納廢饗之虞唐虞已往事無斯典三后已降始見其文指讓之宵禮不上通昏禘後燼四圭是

主此便至道相承乾無二統純風既披玄牡肆尊禮不虛革庶昭異聞

問穀梁傳魯僖三十一年夏四月卜郊不從乃免牲傳曰乃者亡乎人之辭也曰樂以觀風禮為教本其細已甚民不堪命齊不加兵屈於周典僖公魯之盛君告誠虔祀穆卜迎吉而休徵不至若推咎於天則神不棄鑒歸愆於人則頌聲宜替既命龜失辰靈威弗眷郊享不從配天斯缺即傳所言殆非虛美何承而制

親書列傳卷三十一

三十

宋

問尚書胤征義和詰其罪乃李秋月朝辰弗合於房曰衡紀不移日月有度炎涼啓辰次舍無代履端屢臻歸餘成閏是以爰命羲和升準祖節使畧數應時火流協運致望舒後律耀靈爽次即官缺永容可為愆玄象一差未成巨戾且杪秋豈回星之辰授衣非合璧之月叙食弗當積失加誅律度暫差便違殛絕仁者之兵義不妄興王赫斯舉將有異說

問毛詩十月之交朔日辛卯日有食之亦孔之